



Broj: 03-UP-12-1-2/23  
Sarajevo, 15.2.2023.

Na osnovu člana 8. Zakona o Agenciji za rad i zapošljavanje Bosne i Hercegovine („Službeni glasnik BiH“, br. 21/03 i 43/09), člana 14. stav (1) i (2) Zakona o slobodi pristupa informacijama u Bosni i Hercegovini („Službeni glasnik BiH“ broj 28/00,45/06, 102/09, 62/11 i 100/13), postupajući po Zahtjevu [REDACTED] 71000 Sarajevo, v. d. direktora Agencije za rad i zapošljavanje Bosne i Hercegovine donosi

### RJEŠENJE

o odobravanju pristupa informacijama

1. Odobrava se Zahtjev tražitelja informacije [REDACTED] 71000 Sarajevo, broj 03-UP-12-1-1/23 od 14.2.2023. godine za cjelovit pristup informacijama koji se odnosi na: broj izdatih radnih dozvola u Bosni i Hercegovini u 2022. godini, razvrstan prema entitetima i Brčko distriktu BiH, sa podacima o ukupnom broju izdatih važećih radnih dozvola, kao i brojevima radnih dozvola izdatim u okviru kvote radnih dozvoa, te broj radnih dozvola izdatih izvan utvrđene kvote.
2. Informacije iz tačke 1. ovog rješenja dostavljaju se podnosiocu zahtjeva uz ovo rješenje.

### Obrazloženje

3. Agencija za rad i zapošljavanje Bosne i Hercegovine zaprimila je zahtjev za pristup informacijama podnosioca [REDACTED] 71000 Sarajevo, zaveden pod brojem 03-UP-12-1-1/23 od 14.2.2023. godine, a prosljeđen od strane Federalnog zavoda za zapošljavanje broj 04-30/1-163-1/MZ-23 od 9.2.2023. godine, u kojem podnosilac zahtjeva traži pristup informacijama koje se odnose broj izdatih radnih dozvola na osnovu utvrđene kvote, te broj radnih dozvola izdatih izvan utvrđene kvote.

Postupajući po zahtjevu podnosioca Zahtjeva, Agencija za rad i zapošljavanje Bosne i Hercegovine je u skladu sa članom 14. stav (2) Zakona o slobodi pristupa infromacijama u Bosni Hercegovini („Službeni glasnik BiH“ broj 28/00,45/06, 102/09, 62/11 i 100/13), odlučila kao u dispozitivu rješenja.


**POUKA O PRAVNOM LIJEKU:** Protiv ovog rješenja može se izaviti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema.

Prilog:

-Dopis sa informacijama

Dostavljeno:

- Imenovanom,
- Službenik za informisanje
- a/a



V. D. DIREKTORA  
mr. Vedad Hindija

Sarajevo, 15.2.2023. godine

[REDACTED]

Poštovani,

vezano za Vaš zahtjev za slobodnom pristupu informacijama dostavljam Vam odgovor.

U skladu sa članom 63. Zakona o strancima („Službeni glasnik BiH“ broj 88/15.) u Bosni i Hercegovini u periodu 01.01.-31.12.2022. godine, ukupno je izdato 4.012 radnih dozvola, od čega u Federaciji Bosne i Hercegovine 2.109, u Republici Srpskoj 1.595, a u Brčko distriktu BiH 308 radnih dozvola. Od ukupnog broja izdatih radnih dozvola poništeno je 232 radne dozvole i to u Federaciji Bosne i Hercegovine 33, u Republici Srpskoj 148 i u Brčko distriktu BiH 51 radnih dozvola.

Ukupno izdatih važećih radnih dozvola u Bosni i Hercegovini u 2022. godini je 3.780 i to 1.645 radnih dozvola koje se računaju u kvotu i 2.135 radnih dozvola izdatih nezavisno od utvrđene kvote. Od ukupno izdatih važećih radnih dozvola 409 radnih dozvole je izdato ženama, a 3.371 muškarcima.

U Federaciji Bosne i Hercegovine ukupno je izdato 2.076 važećih radnih dozvola od čega 782 koje se računaju u kvotu i 1.294 izdatih nezavisno od utvrđene kvote.

U Republici Srpskoj ukupno je izdato 1.447 važećih radnih dozvola i to 829 koje se računaju u kvotu i 618 izdatih nezavisno od utvrđene kvote.

U Brčko distriktu BiH ukupno je izdato 257 važećih radnih dozvola, 34 koje se računaju u kvotu i 223 izdatih nezavisno od utvrđene kvote.

Podsjećam Vas da informacije vezane za radne dozvole možete pronaći i na web stranici Agencije za rad i zapošljavanje BiH na navedenom linku <http://www.arz.gov.ba/Dokumenti/default.aspx?id=2123&langTag=bs-BA>

S poštovanjem,

Boris Pupić, stručni saradnik za informisanje Agencije za rad i zapošljavanje BiH